

Социалистическ эдл-ахугъан кинәнәр харх—олна төр

Государственн оln-дундин зокалиг болн государственн бәрциг, социалистическ демократиг болн йосиг улм цааранднь батрулх—партин болн советск органсин өмн. бәәх эрки чинртә төр гидж партин ХХ-ч хург заала. Тер учрар, советск оln-әмтс социалистическ эврә эд-ахугъан хархд сән килмджтәгъяр орлдж йовна. Бол мана дунд хаджгър кōдлмш кегъад, оln-әмтнә збōриг үрәгъад, тарагъад бәәдг улс бас бәәнә.

Танъгъчин потребсоюзин правлень райодар то-диг кедж, лавкд кōдлдг улсин кōдлмшин тоогъинь авб. Гурви сарин дигт 144 минъгън арслнъгъа эд-тавр лавкчнрас дутв. Эд-тавр дутдг йовдл, сельло, раб-коопин болн райпотребсоюзин толгъачнр лавкин ору-гару диглдж сәәнәр эс хәләсн, лавкд кōдлдг улсиг кōдлмшт орхаснь өмн хәләдж эс шүүдж авсна темдг.

Иим эндү дуту-дунд кōдлмш мана танъгъчин потребсоюзд иқәр гарч йовна. Улгүрнь, хойрдгч кварталд раймагин то кеснд, лавкин гүүлгач Рыбаковас 38 минъгън арслнъ дутв. Ягъад иим ик мōнъгн дутсинь раймагин директор Титаренко медхш. Бүкл джилин дунд авто лавкд кōдлдг Рыбаковд то-диг кесн юмн уга. Тиигәд автo-лавкд то-диг эс кесн учрар, лавкин то муугъар тәвснд, раймагин директор Титаренко, бухгалтер Муравская хойр кōдлмшәсн гаргъгдв.

Лавкч Рыбаков 38 минъгън арслнъ тарадж дутасндан заргъд өггдв.

Яшалтинск районд Камы-

шинск сельпогъин завсклад Шеглов 24 минъгън арслнъгъа эд-тавр дутав. Хаджуднь нег цōн дууна газрт бәәсн рай-потребсоюзин ахлач Зимин эврәннъ ревизоран йовулдж, сельпод то-диг эс кесн бәәдж. Тер учрар, завсклад Шеглов оlnа эдл-ахуг эврә гидж тоo-лад, дурндан эдләд бәәдж.

Эн тоот буру хаджгър йовдл ягъад гарна гихлә, негдврәр, оlnа шүүдж хәләлгъ лавкчнрт эс тәвсн темдг. Хойрдвар, лавкин кōдлмшт түрүлдж орулдж авхларн, зәрм лавкин ахлачнр тәндг-үздг улсан орулдж авна. Урднь кедж йовсн кōдлмшинь болн политическ бәрцинь эс хәләсн учрар, лавкин кōдлмшт урднь оlnа эдл-аху тарагъад, заргъла харгъсн улс чигн орна.

Улгүрнь, Черноземельск районд оlnа хот уудг газрт заведующ болдж Сологуб гигъад бәәнә. Урд цагт Сологуб лавкин халхар оlnа эдл-аху тарагъад, терүндән заргъла харгъсн күн. Тер бийнь, Черноземельск райпогъин ахлач Супрунов эн тоотинь медә бәәдж, кōдлмшт авч.

Мана советин оln-әмтн коммунизм тосхджах цагла, иим хаджгър кōдлмш кедж йовх улсиг илткдж, бурула харгъулх кергтә.

Кооперативин организацмудт кōдлджәх улс нег-негндән тусдōнъ болдж, кōдлмшиннь дуту-дунд йовдлиг чиклдж, үннич хәалгъар йовцхах кергтә Лавкин үүлд бәәх әмтс оньдин цагт оlnа эдл-аху харх зōвтә.

Б. МАНДЖИКАЕВ.
Танъгъчин потребсоюзин
ахлачин дарук.